



KIRIDUS VIZINHUS,

Gosi ki invernu sta txiga, nu ten ki prepara pa nevi, jélu, y temperaturas frius, y sigura di ki nos vizinhos sta preparadu tanbé. Es orientason ta djuda bo y bu familia prepara pa ténpu di invernu ki sta ta txiga. Tanbé bu ta risebi dikas di modi ki bu ta trabadja ku otus rizidentis, kumersiantis, y ajéncias di Sidadi pa podi manti nos rua y paséiu siguru di nevi y jélu nes invernu.

Pur favor djobi bus amigus y vizinhos es invernu, prinsipalmenti nes mométi ki nu sta konbati a COVID-19. Rizidentis idozus y pisoas ku problemas kritikus di saúdi prisiza ser djobédu rigularmenti. Txoma nos linha di apoiu pa 3-1-1 si bu mesti ajuda ô si bu ten argun kistons di non-imirjensia. Si bo ô argen ki bu konxi prisiza di asistensia di imirjensia, txoma pa 9-1-1 imediatamenti.

N ta spera ki bu ta ten un invernu siguru y saudavel. Pur favor guarda es gia di orientason na un lugar asesível y partilhal ku argen ki prisiza del.

Prizidenti Wu

Michelle Wu



Sidadi di Boston
Prezidenti di Kamara
Michelle Wu



BOS:311

Dinunsia paseius
ki ka linpadu
pa Kánbra através di
BOS: aplikativu 311.

Faze download
di Aplikativu



TÉNPU DI INVÉRNUN GIA 2021-2022

SINA Y MANTE INFORMADU

Po resebe notisias sobri imerjénsia, proibison di estasionamentu, atrazus na skola y kanselamentus, pur favor vizita:

- [boston.gov/snow](https://www.boston.gov/snow)
- sigi @CityofBoston na Twitter
- rijista pa bu resebe alertas na [boston.gov/alert-boston](https://www.boston.gov/alert-boston)

Tambe bu pode txoma 3-1-1 ô 617-635-4500 pa sirvisus di Kánbra ki é ka di imerjénsia.



És Gia tanbe sta dispunivel na [boston.gov/snow](https://www.boston.gov/snow) na:

| | |
|----------------------------------|------------------------------|
| Español Spanhol | Kriolu Kriolu Kabuverdianu |
| 简体中文 Xinês Sinplifikadu | Русский Russu |
| 繁體中文 Xinês Tradisional | Français Fransés |
| Kreyòl ayisyen Kriolu Haitianu | Tiếng Việt Vietnamita |
| Português Purtugês Brazileru | Arabic العربية |

*****ECRWSS*****
KLIENTI RESIDENTI
BOSTON, MA

NUMERUS INPURTANTI

Pa Imerjénsias (Pulísia, Bonberu, EMS) txoma 911
Pa kes ki é Ka Imerjénsia liga 311 ô (617) 635-4500

| | |
|---------------------------------------|---|
| Boston Águ & Sgotu: 617-989-7000 | ABCD Apoiu pa Konbustível: 617-357-6012 |
| Eversource: 800-592-2000 | DCR: 617-626-4973 |
| Gás di Rédi Nasional: 800-322-3223 | MassDOT: 857-368-6111 |
| Verizon: 800-837-4966 | MBTA: 617-222-3200 |

PRSR STD
U.S. POSTAJEN
PAGU
BOSTON, MA
PERMIT 53434
** ECRWS**

LINPEZA DI KALSADAS

Nu ta pidi moradoris y donus di nigosiu pa linpa névi, lama, y jélu na kalsadas y ranpas di pedestri na skinas di rua na volta sés propriedad. Dipôs di un tenpestadi, bu ten ki linpa kes ária li:

- dentu di 3 ora dipôs di névi kai, ô
- 3 ora dipôs di manxe si neva durante noti.

Tra jélu pa linpa pavimentu ô faze-l fika más niveladu y transitável pusível. Pelu menus un kaminhu di 42 plegada di largura pa ten lugar pa kadera di roda y karinhus di bebe.

Divison di Aplikason di Kódigu ta ben da multa pa moradoris y donus di nigosiu ki viola kes regra li. Multa pode dadu tudu dia ti violason ser pagu.

Multas ki Izisti pa paseiu ki ka linpadu:

- Propriedadi kumersial: \$200
- Propriedadi rizidensial, 16 ô más unidadi: \$100
- Propriedadi rizidensial: \$50

FIKA KENTI Y SIGURU

Inkilinus:

Prublémás ku akesismentu? Priméru alerta bu renderu. Si bu renderu ka mostra interesi, txoma pa 311 pa aprizenta un kexa, y Sirvisus di Inspeson ta bai investiga.

Donus di kaza:

Bu meste di ajuda pa paga pa akesismentu? Kandidata pa resebe ajuda atraves di Prugrama di Ajuda di Stadu pa ten Inerjia na Kaza di Baxu Rendimentu (LIHEAP). Vizita boston.gov/home-heating ô txoma 617-357-6012.

Tudu alguen:

Nunka ka bu uza bu fornu pa akesismentu. Akesedoris di ambienti pode pruvoka insendiu, nton ko pos djuntu kurtinas ô kuzas ki pode pega lumi. Lenbra di disligas antis di bai deta. Linpa aberturas di skapi pa ivita invenenamentu atraves di monoksidu di karbonu, y djobimonôksidu di karbonu y ditetoris di fumu ki sa trabadja.

Pesas ten k sta akesisdu a:

68° Di: 7 ora palmanhan ti 11 ora noti.
64° Di: 11 ora noti ti 7 ora palmanhan.

NÉVI PODE FAZE KON KI RISIKLÁJEN Y RIKOLHA DI LIXU FIKA MÁŠ LÉNTU

Duranti tenpestadi di névi bedju, risiklájén y rikolha di lixu pode ser kanseladu, más keli é mutu raru. Maioria di bes, tenpestadi di névi bedju pode pruvoka atrazus na sirvisu, nton nu ta pidi bu koperason y pasiénsia.

P a odja bu oráriu di risiklájén y rikolha di lixu di bu vizinhu y pa bu marka y diskubri kuze ki pode y ki ka pode ser resikladu na Sidadi di Boston, pur favor vizita:

- boston.gov/trash-day
- faze download di aplikativu Trash Day, ô
- txoma 3-1-1.

Funسیونárius ten difikuldadi na txiga na kontentoris di lixu y risikla karinhus postu trás di montanhas di névi. Pur favor linpa un ária na borda paseiu ô poi inbalájén pa ladu ô frenti montis di névi.

Nu ta rikolhi arvi Natal pa faze adubu di 3 a 14 di Janeru. Ka bu pos na bolsa plástiku. Pur favor tra brinkedus y dikorason di arvi Natal. Si bu ten dôs dia di risiklájén, nu ta rikolhi arvi Natal na priméru dia di simana pa risiklájén. Poi bu arvi na bu borda paseiu pa volta di 6 ora palmanhan.

LIDA KU RUAS XEIU DI NÉVI

Djuda-nu mante ruas abertu pa linpa-névi y veikulus di imerjénsia stasionandu karu pelu menus 20 pé (6 métru) lonji di interseson y ka más ki trinta sentímetru lonji di borda paseiu. Ka bu blokia paseius, bokas di insendiu, ranpas na kantu pa pion, kaminhu pa bisikleta, entradas pa garáji ô rua ku bu karu.

Duranti un imerjénsia di névi, bu pode stasiona karu ku diskontu na alguns garáji ku autorizason di stasionamentu válidu. Diskontu na para karu na stasionamentu publiku y stasionamentu munisipal ta kumesa dôs ora antis di kumesa un imerjénsia di névi y ta termina dôs ora dipôs. Nu ka ta permite estasiona karu di tardinha ô di noti na Skola Publiku di Boston mutu txeu durante un imerjénsias di névi.


Vizita boston.gov/snow pa sabi mas informason na garajen y undi ki bu ka podi para durante un imerjénsias di névi.

Parkimitru ta mante na oras ifetivu durante imerjénsias di névi.

Dexa bu otokolanti di stasionamentu fika vizivel dentu di 24 ora dipôs di fin di un tenpestadi.

Nu ta ben multa y raboka si bu stasiona na lugaris inportantis pa imerjénsias di névi durante un imerjénsia diklaradu.

Lenbra di linpa bokas di insendiu y skuamentu di tenpestadi.



Linpa tudu névi pelu menus un pé (trinta sentímetru) a volta di amortesedor di bu karu antis bu da-l aranki.

Tra tudu ikunomizador di pasu dentu di 48 ora dipôs di un imerjénsia di névi. Favor sabi: ikunomizadoris di pasu ka é piritiddu na South End.